



Goxgonq, youq aen mbanj Ngoz-lozswhe, miz boux canghsoujgoeng he, de guh gij lwgvunznameh gig ndeiawj. Caj lwg de majhung le, bohlgw couh caez guh lwgvunznameh.

Dinfwngz daeglgw beij daxboh lij lingzgiuj, gyahwnj bouxcoz rengz hung, guhhong youh vaiq youh ndei, dinfwngz gig vaiq couh ganj hwnj daxboh lo. Gij lwgvunznameh daxboh guh haenx gai 2 luzbu, daeglgw guh haenx couh gai ndaej 3 luzbu. Hoeng daxboh lij dwg doiq gij lwgvunznameh

Gij Lwgvunznameh Mwngz Dij Geijlai Cienz

你的泥人值多少钱

daeglgw guh haenx mbouj habhoz, cungj dwg gangj gij mbouj ndei de. Yienghneix, daeglgw guh engq ciensim, engq roengzrengz lo.

Doeklaeng, gij lwgvunznameh daeglgw guh ndaej yied daeuj yied ndei, gyaqcienz gaenq hwnjgyaq daengz 10 luzbu. Hoeng daxboh lij dwg mbouj habhoz, mbouj dingz vix giz mbouj ndei okdaeuj: Aen da neix beij lingh aen da hung lo, aenmbaq mbouj doxdaengh, ribfwngz daiq iq yawj mbouj raen……

Miz ngoenz ndeu, daeglgw hozndat lo, naeuz: “Boh, mwngz vihmaz

cungj naeuz guh gij lwgvunznameh neix mbouj ndei? Lwgvunznameh mwngz guh haenx gou cungj vix ndaej ok 20 giz mbouj ndei ne! Mwngz hix mbouj yawjyawj, lwgvunznameh mwngz guh haenx cij gai ndaej aen 2 luzbu, hoeng gou gai 10 luzbu gyoengqvunz lij ceng dwk cawx. Gou roxnyinh lwgvunznameh gou guh haenx mbouj miz saek giz mbouj ndei, gaenbonj mbouj yungh caiq gaij lo!”

Daxboh gig siengsim, naeuz: “Lwg ha, mwngz gangj haenx gou cungj rox, mboujgvaq gij vah neix daj ndaw bak mwngz gangj okdaeuj, gou

gig nanzgvaq. Ai, baezlaeng mwngz guh lwgvunznameh caiq hix mbouj mauhgvaq 10 luzbu lo.”

“Vih gijmaz?” Daeglgw doeksaet dwk cam.

Daxboh naeuz: “Boux canghsoujgoeng he, danghnaeuz nyinhnaeuz dinfwngz swheij gaenq gig ndei lo, neix couh gangj de mbouj caiq cinbu lo. Neix couh dwg yienzaen gou guh gij lwgvunznameh haenx vih maz cij gai ndaej 2 luzbu ha!”

(daj hilez “guh engq ndei swheij” Denhdi Cuzbanj Se genj bien hoiz)

Faenyiengj Sawgovai

分享课外书

Dou lwgnyez lajmbanj seizgan rogdangz, mbouj dwg yawj densi couh dwg loengh dennauj soujgih, gig noix miz vunz doeg sawgovai.

Gou yienznaeuz hix youq lajmbanj doegsaw, hoeng daxboh daxmeh dwg sonsaw. Ai q dwg deng bohme hyingyangj, gou hix gyaenz yawj saw. Gij saw ndaw ranz hab gou doeg haenx mbouj suenq lai, miz bak lai cek. Youq ndaw doengzdoi hienzgeij doxdoengz haenx, gou suenq ndaej hwnj doeg saw lai lo. Moix baez hwnj dangz cozwunz, lauxsae cungj dwg aeu cozwunz gou guh fanvwnz doeg hawj daihgva, gyoengq doengzhag gig hozhaenz gou.

Miz baez ndeu, boux doengzhag cuj gou cam gou: “Cujcangj, cozwunz mwngz vih maz sij ndaej baenz ndei ha?” Gou doiq gyoengqde gangj: “Sou siengj sij ndei cozwunz, couh yaek lai yawj sawgovai.” Gou lij

caeuq gyoengqde iekdingh, gou moix couh daj ndaw ranz daiq hawj gyoengqde moix vunz bonj sawgovai he, caj gyoengqde dawz geij bonj saw neix yawj sat le, gou caiq vuenh lingh gij saw hawj gyoengqde. Siengj mbouj daengz, doengzhag ndaw cuj gou daj seizde hwnj gyaenz hwnj yawj saw lo, cawzle gij saw gou daiq hawj gyoengqde, gyoengqde lij gag bae cawx, yienghneix cuj dou couh gingciengz miz sawgovai yawj mbouj liux lo.

Doeklaeng gou siengj, danghnaeuz ndaw ban laeb aen goksaw he, gyoengq doengzhag mbouj couh miz sawgovai yawj luma? Gou aeu aen siengjap neix lwnh hawj banhcujyin le, goksaw ndaw ban gig vaiq couh guh baenz lo. Gyoengq doengzhag aeu gij sawgovai swheij cuengq haeuj goksaw bae, couh ndaej doxvuenh yawj lo.

Gou baenz bouxguenjsaw



ndaw ban. Moix ngoenz cungj miz doengzhag daeuj caeuq gou ciq saw, boiz saw, yienznaeuz gig sinhoj, hoeng ndawsim gou gig angq. Mwh roengzdangz, caiq hix yawj mbouj raen gij cingzgingj doxdwk doxnauh lo. Gyoengq doengzhag ndaw fwngz gaem bonjsaw, yawj ndaej gig haeujmaez, miz mbangj doengzhag lij daiq ma ranz yawj dem. Caenhuengj lij miz boux baj doengzhag mbouj siengj yawj saw, hoeng yawjraen gyoengq doengzhag cungj dingdingh yawj saw, gyoengqde hix mbouj ei qseiq cauz bouxwnq, miz seiz hix gaem saw daeuj yawjyawj.

Faenyiengj, daiq hawj gou angqyangz caeuq miznaj, hix daiq hawj gyoengq doengzhag engq lai cihsiz.

(haj nienzgaep Vangz Gvanboz)

Guh Boux Lwgnyez Lauxsaed Soujsaeng He

做个讲诚信的孩子



Miz ngoenz he, gou caeuq daxboh youq aen bouqgaigwn he gwn haexcaeux. Gwn sat le, daxboh hawj gou 20 maenz bae gyau cienz. Mehsimj gai gwn haenx naeuz: “Itgungh 12 maenz.” Gou ndenq cienz hawj mehsimj, mehsimj cau jgeij mbaw cienzlingz hawj gou.

Daxboh geqgeq le, cam: “Baenzlawz dwg 9 maenz?” Gou naeuz: “Haengjdingh dwg mehsimj lai cau j 1 maenz

hawj raeuz lo.” Daxboh cam: “Yienghneix mwngz naeuz wnggai baenzlawz guh ne?” Gou mbouj yaemhywx saek di, daj ndaw fwngz daxboh aeu maenz ngaenz he boiz hawj mehsimj. Mehsimj naeuz: “Docih mwngz, siujbaengzyoux! Mwngz caen dwg boux lwgnyez ndei lauxsaed soujsaeng he.” Mwhde, gou ndawsim gig angq.

(ngeih nienzgaep Vangz Cwnyij)

Veihsin Sawj Vunz Youh Gyaenz Youh Haemz Haenx

让人又爱又恨的微信

Seizneix miz haujlai vunz cungj yungh veihsin, saimbwk lauxcoz lumjbaenz cungj liz mbouj ndaej de. Baengzyoux dox ganggoj, caencik doxiek gwnhaeux, yungh veihsin gyaucienz cawx doxgaiq……, veihsin cingq gaijbienq gij gwndaenj vunz lai.

Dangyienz, mwh veihsin hawj daihgva daiq daeuj fuengbienh, doengzseiz hix daiq daeuj nyapnyuk. Daxboh dwg boux maez veihsin he, gingciengz dawz soujgih yawj gienbaengzyoux ndaw veihsin, cix lumzlawq gou caeuq daxmeh. Gou geijlai muengh daxboh cou ok di seizgan daeuj caeuq gou gangj vah ha! Doeklaeng daxboh hix gag genjdauj, roengz gietsim noix yawj veihsin, hoeng genhciz mbouj ndaej geijlai nanz, youh maez haeuj veihsin yut mbouj okdaeuj lo.

Gyoengqvunz yienghneix maez veihsin, veihsin caen dwg baenzneix ndei ha? Gou gig geizheih, couh yungh aen soujgih daxboh sinhcengj aen hauh veihsin he, daeuj daejniemh mbat he. Ha, caen dwg daiq mizyinx lo! Veihsin naengz caeuq baengzyoux ganggoj, faenyiengj siengqbenq, lij naengz ciengj hoengzbau, caen gvaqyinx ha! Doeklaeng gou sawqmwh roxnyinh, veihsin couh lumj duz fangzgvaq he, cingq laeglemx sai gij seizgan gou, sai gij cingsaenz gou. Moix baez yawj veihsin le, gou roxnyinh gyaenq dot uk ngunh, cungj mbouj miz sim yawj saw hagsib lo.

Veihsin ha veihsin, gou doiq mwngz caen dwg youh gyaenz youh haemz ha!

(seiq nienzgaep Vangz Swjcunz)

